

賴古堂集

賴古堂集卷之八

浚水周亮工櫟園著

七言律

四年七夕詩

丁亥侍叔父酌秦淮同張淑士舍弟靖公  
分得田字時隣舟有盲女枇杷聲

星河雲影澹相連  
桃葉依然舊渡邊  
盲女枇杷天寶事  
羈人詞賦帝京篇  
寧知此會爲何夕  
剩有新愁入去年  
始信情根堪萬劫  
鵲橋今古不桑田

戊子在榕城飲說餅堂同馮伯宗賦

心驚此夕醉殊方  
卮酒遙分銀漢光  
莫惜月明歌

東正集卷九  
水調可憐花落舞山香小樓客卧溪雲紫野寺僧  
尋樹葉黃頗欲寄愁天上去却愁河畔不勝常

已丑佟懷東齋中分得麻姑降蔡經家

歸心一夕滿江鄉梧葉平飛客思涼我輩惟當學  
狡獪神仙亦復嘆滄桑未能控鶴分麟脯願見牽  
牛渡鵲梁高會既終雲影隔星河陸海路空長

庚寅予重入閩懷東甫出關相值拓浦飲

懷東旅中

卮酒荒城萬綠間新逢往事一開顏依然作客空  
歸里若爲懷君更入關良會人間難更與微情天  
上竟須刪瀟瀟南浦樓頭雨濕盡江郎夢裏山

署中別羅星子胡元潤

烏龍江上送行船，丁水南頭羽檄連。

汀水起自南方，故從丁與

劍津丁字木異

客到遐方猶怨別，身驅瘴海更空遷。百年

半逐烽煙老，萬里新攜冰雪旋。爾遠來無可慰

松風，棚下蜜丸鮮。

荔枝名蜜丸者小而無核，勝画楓亭皆不及也。此種即閩人亦

不多識予在閩數載僅一遇云

西禪寺畱別

微軀未敢厭烽煙，祖帳羣公盡大賢。趺足百年迷  
畏路，酸心幾處醉離筵。溪秋野寺黃花酒，小雨洪  
塘白板船。初服卽今猶未遂，誰能容易學逃禪。

甫自北還卽有汀行舟中寄呈家嚴慈并

與開也兄靖公弟

汀水南流燧火催灘聲曲曲九龍隈孤舟更向千山發薄命誰憐萬里回不識當前皆虎豹遙知起處是風雷岐途踪跡殊難定忍使親心逐處猜

示裴生符剖

聞聲幾度見何曾亂後相思意莫憑海內風流全黯澹汀南詞賦爾峻嶒爲園廢圃難容自穫稻礲田盡餉僧詩過越州應更好傾囊就我話秋燈

裴園

名容自舊  
有越詩

朱竹

初但求之楮穎間頃與伯宗過劍津西山  
數頃琅玕丹如火齊乃知此君亦戲著緋

同伯宗各

賦二首

高情直與晚楓隣  
僂舞安知醉有辰  
舊族傳爲絳縣老  
孫枝近作赤城人  
瀟湘淚盡終餘血  
淇澳花繁不是春  
曾在龍門柯畔立  
支離更見爨中身  
亂擗桃花映客醅  
斜批鶴頂間青蘿  
翻新競比紅兒曲  
截笛畱吹赤帝歌  
酒醞空城光未定  
冠裁薛縣色全訛  
遙看巖下爛扁處  
或是秋深相葉多

長汀舟中有感時  
家嚴慈在白下妻  
孥在

榕城

窮巖絕壑盡烽煙  
鳥道遙看庾嶺連  
幾處夢魂明月路  
一林楓相夕陽船  
卽教白下書能寄  
那識榕

東正堂集卷八  
三  
城客更遷此地西通章貢水歸心日夜大江邊

杭川舟中懷陳階六

白下能來信復虛淮南閉戶意何如衣裁薜荔凌  
霜晚句綻芙渠映日初昨夢儼然千里駕前歸亦  
只數行書畫船贈我看秋水略記離觴四載餘丁亥  
階六期予於吳門不值比相期於白門復  
不果來舊以画船贈予予顏之曰就園

自清溪返杭川諸子衿有以詩文相質者愧

賦一詩謝之

臨汀戈戟日紛紜堅抱殘書未忍焚戶外遙投人  
則遠車前負鬻意空勤慙予到已成輕薄問爾來  
何所見聞十載烽燿儒服賤誰能相對不慙慙

與同里諸子飲李遂臣海棠下遂臣出北釀

醉客

芙蓉夢冷大江濱  
笛外垂楊近有隣  
草閣畱人懷舊雨  
溪巖引客慰殘春  
中原路近歸無地  
冀北書遲  
淚滴巾酒酌故園齊  
俛首不知花發幾回新

懷京口劉長公長公自太末偕余至須江談  
三日夜視予度嶺始別去

曾過太末望寵窅密雨疎巖小艇中入世不妨傳  
客做注書若肯許予同每因朗月思玄度豈有清  
流憚惠風戶外轍溪須早辟莫教釜熟問梁鴻

夜登杭川城樓有感四首



秋老滄溟夜舞鯨依然刁斗舊時聲艱虞剩有囊  
書坐飢餓慙看負楯耕象洞雲迴迷鳥道龍巖雨  
過認獠城郊坵半是槃藍侶十載汀南未罷征

之餘錯處於處漳潮  
之間以槃藍爲姓

落日荒城滿目秋轅門祭戟未全收方從計吏閒  
賫素更倚元戎學挽疆回角數聲人俯堞烽燧幾  
點客登樓書生願賦從征樂閫外休輕萬戶侯

若前新月學弓彎子舍雲邊未肯還永夜濤聲三  
摺水孤城秋色七峰山都人擁樹曾同鳥畚客編

茅別是蠻異土臨風須自慰親心萬里苦相關

初造砍大樹千餘其樹皆山都所居山都有三種  
下曰猪都中曰人都其高者爲鳥都卽如人形而

卑小男婦自爲醜偶猪都皆身如猪鳥都人首能  
言聞其聲不見其形人都或時見形當伐木時有  
術者周元大能禹步爲厲術以左合赤索圍木而  
砍之樹仆剖其中三都皆不能化執而煮之於鑊  
內

漁磯野火夜相望冷露涼颺起素商馬首衆山連  
庾嶺城南一水過潮陽荒岑尚有金銀氣廢圃空  
聞橘柚香莫爲無衣頻作賦炎方十月不爲霜

杭川城上有懷樵川鄭胎聖朱璧符張龍玉  
杭川北望舊樵川復嶺遙看燧火連載向兵戈尋  
舊侶不堪風雨憶當年五更夢斷寒雲外千里書  
來落照邊聞道崔符今已靖諸君詞賦正翩翩

杭川署中哭張崧瞻

初傳消息過樵城，弱骨憐君嶺上行。  
羽檄猶能通近况，危途那復話平生。  
驚心海嶠常多癘，痛哭汀南未罷兵。  
不信梨關相望處，搖搖風雨濕丹旌。

子用宇樵川，時聞君自江右冒險入杭川，從羽檄中得音問，比子自北返，乃值君概於梨嶺。

白骨秋原泣苦辛，西川門外往來頻。  
蠻鄉獨重生還客，好友應憐後至人。  
結伴蛩聲猶絮舊，經扶蕉葉更懷新。  
十年風雨三千士，吹盡東陵陌上塵。

裴符剖自清溪以新詩來質時子已發杭川  
邂逅中途喜賦一詩

若爲琴岡舊雨催，驅車已見白雲隈。  
巖邊舫自爐中出，句裏人從意外來。  
但慰城孤歸幸早，不妨棹

返見方纔道旁絮絮衷難罄疎竹寒梅冷自猜

次館前驛念已與臨汀諸君子別黯然久之  
蒼玉亭前夕影移鴛鴦橋伴客心悲頻營僻事期  
來夢更引溪卮尚有思里鼓初鳴啼鳥墜簷花欲  
落暗蛩窺搖搖古驛衷難定始信鄞江易別離

清溪遇高澄甫卽送其南歸計予別澄甫於

白浪河時遂十年矣

兵戈歲晚不教休岐路爲君未到憂舊夢園中驚  
白浪貧交亂裏上清流殘燈笑語全如寐襍被倉  
皇遂是游容易能還鄉里去寒家亦在石城頭

林得山同次君孔碩招過嵩山草堂看梅得

曾字

退耕老子倚青藤送客畱予意頗矜良會亂中能  
幾與好山屋後已全登迎卮月滿人無奈著樹花  
繁雪未曾薄醉長齋家自度一門詩思冷如僧

得山

與女君俱長齋

禮天竺先生

引客花間醉首楞先生靜飲學爲僧寒花若爲羈  
人發少室疑從故里登酒盡柴門看爾閉月明杖  
履傲予曾堂中四載還耕約葬硯燒書總未能

退耕

堂看菊今  
四載矣

南溪陳克興以所著詩文見示賦此奉贈克  
興著有車塵雜述

青霞笠子白雲裳，敗硯殘書意莫當。  
三面環城丁字水，百年閉戶午橋莊。  
雄文每自刪中駟，國老空傳養上庠。  
車底餘塵誰與拭，蕭蕭白髮更清狂。  
東

五派南流至劍潭合流而下  
有丁字水之呼又名南溪

### 聞馮伯宗下第

易地陳書更未空，霜風倦客足人思。  
還家強忍登堂淚，隔嶺空傳感遇詩。  
頗以忘情安友念，猶能抱子索親怡。  
十年放逐歸途晚，憶爾慚非鍛羽悲。

### 再過遜園贈米澹菴

高枕農書老泌園，違時踪跡竟忘言。  
雖閒亦有桑麻累，卽夢無過竹石繁。  
拂楮煌鬢羣意醉，就僧禪

笑兩眉軒橙花落盡誰相問此是城南杜五門  
五環溪上紫雲籬扶老閒攜意所之樗社留賓常  
被肘豆棚說鬼一軒眉情閒琴欲同山響懶習經  
忘與歲治自是君平從世厭頽然吾未信公癡

予以庚寅冬日出臨汀壬辰夏日再至鐵嶺  
是爲臨汀界不獲見八邑諸同人黯然久  
之賦此寄懷黎媿曾宣巖諸君子

樓林高下水潺湲曾住汀南一月還倦客重來新  
白髮故人無恙舊青山羈心欲續秋冬際狂態誰  
爲伯仲間未敢再過鐵嶺去危時淨侶頗相關  
刺桐花發路漫漫羣盜縱橫會面難故里惟求萬

一夢好山無奈再三看  
留髣送客心空醉  
淬劍焚書意不酸  
胃足迷陽何計撥  
詞場爭似戰場寬

庚寅在杭川賦詩寄懷樵川諸子頃乃復至  
樵川竟歲廻環曾無定跡再疊舊韻却寄

杭川諸子

樵川南望舊杭川  
磧裏烽煙歲歲連  
偶上層樓新索莫  
閒披小句舊纏綿  
亂中踪跡全無據  
何處雲山不可憐  
冷夢時過劔水去  
月明又泛九龍船

入江順流至劔津復  
逆流而上至九龍

張瑤星寄札并得友蒼開士近詩

錦囊綠字伴青萍  
棄去柴門但自扃  
世上空傳高



士傳案頭久失淨名經良書獨許隣僧附好句間  
招野鶴聽莫話當年塵土夢松風閣下雨溟溟

閣在雨花臺畔瑤星  
讀書閣上久與世隔

### 粵客過延津將往秣陵

百角樓頭倒玉缸酒龍夜舞雨淙淙珠來合浦光  
無盡劍到延津氣欲雙五載嵐煙迷越嶺六朝草  
色醉吳江如子獨戀離支好不買橫塘白板艤

### 陳章侯繪磨兜堅見寄感其意賦此答之

論交君自邁風塵小幅兢兢寄所親愧不垂簾同  
木鶴何妨張口貌金人顧銘頗覺蠅難茹屢悔空  
教駟在脣他日青藤山下去囂囂對爾莫相嗔

三至蕉堂

亦愛吾廬倦可栖  
殘書又向萬山攜  
何常蕉葉聞雷長  
漸覺黃楊遇閏低  
四月橙花香滿郡  
六年客夢冷千溪  
故園未必能重過  
依舊高樓聽鼓聲  
將入清漳畱別佟  
滙白宋轅文郝敏  
公諸君

子

何能斫盡荔枝香  
灘水西飛返故鄉  
十指全傷猶代斲  
六年不去類投荒  
秋風襍被榕城路  
明月牙旗海上航  
莫訝溪山行易盡  
閩南地更有清漳

清漳城上感懷四首同唐肯堂作

殘城日落起悲笳  
百道旌旗複嶺遮  
黑箐吹塵迷

綠野青燐照雨變丹霞陣連虎渡江干驛烽接龍  
巖海上槎戰鼓卽今猶未歇漳南自昔重豪華  
海水羣飛驛路遙行人征旆萬安橋嶺猿哀嘯干  
山雨塞馬驚嘶半夜潮但負芻茭依壁壘不堪鴻  
鴈隔雲霄郊垆莫訝蠻鄉熾望裏天狼焰已銷  
天寶山前百戰場鯨鯢浪涌海雲荒飢魂彳亍霏  
微雨白骨支撐遠近霜積裏角聲吹細柳沙邊旗  
影沸清漳六年瘴癘須糜苦不信巖關路倍長  
戰城南北夜啼烏墨守誰憐勢盡孤飢鬼能存桑  
梓地流民猶是太平圖苦將衰髻臨漳水畏引親  
心到海隅却憶吾廬全覆日此中得似大梁無

今年夏在鐵嶺賦二詩寄懷汀南諸同人冬  
初以使事至丹霞亦汀南接壤地得黎媿  
曾道存鄭健也諸子所刻續懷帖感其意  
成詩二首再用前韻

地入汀南萬里餘丹霞飛盡鴈行疎驅車已徧無  
諸國問俗誰過有道廬漸近巖城增友念莫從危  
地寄親書梅花不發甘蕉老輦鼓聲中作客初

丹霞北望子雲居蒼玉庭前賦別初海岸孤臣驚  
晚歲亂中卮酒夢荒廬殘城鬼哭黃昏月間道人  
迷烽燧書六載閩山看易盡獨畱太姥更招子

八郡

惟雀童  
未至

東正堂集卷八  
一  
芳巖峰示永覺和尚

曲澗幽濤落木稀  
高凌絕磴欵禪扉  
長空雲捲潮平接  
下界風迴雨倒飛  
故里書難來  
鴈足勞人身  
合老漁磯七年踐  
盡千峰約底事  
炎方不肯歸

滄波森森澹秋雲  
遙拍螺鬟逐嶺分  
萬磴松筠開岫月  
半天鐘磬落溪雲  
閒看老衲心無外  
悔到溪山意倍紛  
欲滌塵襟叅妙偈  
泉聲未許靜中聞

巖  
陽水

次清風店咏黃芽菜

鬱金芽子晚猶芳  
問比侯鯖味孰長  
肉好俱融黃豉冷  
中邊競釀紫蜂香  
莫教鹽豉分楊槎  
略帶冰

霜薦蜀薑初韭晚菘誠下駟齊驅只合玉爲糧  
淡畦小摘淡披香守得黃中任世嘗住寺莫教流  
敗葉游仙應學煮甜霜方平樂奏麒麟脯姑射人  
回冰雪裝始識長安叢至味不因尊美便思鄉

次新樂咏葦簾

先生食力尋常織一束能留水一方暗撲黃塵聲  
瑟瑟小垂明月影蒼蒼雪鴻遠拂斜陽翼漁笛輕  
傳白露香竹屋紙窗看歲暮熒熒燈火意偏長  
蒹葭猶帶舊時霜削玉編瓊映曲房遞盡寒香高  
士袂界殘明月老僧床微風乍盪春前穀秋水平  
開雨後湘燕子不來花欲落輸他繡箔與雕梁

贈樂城謝明府

使君三輔號循良，但學鳴琴晝自長。  
肯向故人傾直酒，閒同父老種垂楊。  
烏衣舊事桃根曲，紫帽前年荔子香。  
却笑勞勞亭畔客，朔方纔到又炎方。

名直邑有綠柳長廊  
謝家秣陵舊令同安

初雪次栢鄉念明日當過喬磐石老人栢子

亭

卅歲迴環萬里程，遙憐有客阻予行。  
疎卮隸事瓜

瓠酒

磐石善以瓜釀酒

小雪留人栢子亭，滄海能存殘綠

野兵戈悔守舊，黃庭亂中故友輕。  
衰落不記先生

第幾齡

二十日次內丘磐石橋公今年八十有九矣  
予辛巳凡兩過公乙未春予被召再至昔  
日同行並作古人其年冬予被讒復返八  
閩幾不欲見公公聞余至策蹇出郭老淚  
縱橫慰勉交至復拉予醉栢子亭下予至  
是蓋五過公惟此行尤爲難別撫今追昔  
不能成語

長者明年九十齡留予絮絮淚交零一過再過顏  
空老欲行不行客且停危途事那如初至故友人  
誰得再經翹首太行雲影亂孤臣消息未堪聽

次順德涇陽馬元御仲昆季已卯與予訂



交汭上越七年乙酉元御令如臯沒於王  
事予時治兵淮揚經紀其喪俾返故里乙  
未冬過邢臺見仲侍壁上詩悽然有感爲  
賦一詩悼元御兼懷仲侍

亂中出處渾難憶土壁蠟蛸念友聲白社更誰開  
雪苑青燐猶自照蕪城卑躬引紼江干草俛首懷  
人旅舍檠看盡飛鳶驚往事好乘欵段謝時名

過陳簡菴谿南草堂

似曾舊識谿南路此際能來亦自疑兩世殘書留  
廢郭百年茅屋穩荒陂何期共引林中酒愧爾猶  
存嶺外詩

草堂壁上尚粘  
予闕南舊作

欲掩柴門憐過客烽燧

歲晚欲何之

維舟吳門欲揆梅  
玄墓不果值七建  
商旅百餘人相過  
慰勉涕泗交下感  
賦一詩

嘉樹堂前事盡更  
闔閭城下枉班荆  
登臺索駿蓋餘骨  
入市吹簫欲變名  
道是周行難間語  
客來異地尚關情  
梅花不發羈人遠  
薄劣羞看此送迎

光澤父老相迎荅之

編篷半歲亦吾廬  
寂寞誰憐朽似樗  
夜雨漫山情自慶  
春風盪水意全舒  
頻來頗習沿村酒  
多病惟需傍岸蔬  
莫挽孤舟頻問信  
故人消息不如初  
錢牧齋先生賦詩  
相送張石平顧與  
治皆有

和次韻留別

寒潮入夜不增波，苦憶敲冰渡濁河。  
失路自憐酒伴少，看山無奈淚痕多。  
交情雨雪猶分袂，時事東南未罷戈。  
凍盡勞勞亭下柳，那堪重聽故人歌。

丙申寒食同張玄洲暨諸同社重登詩話樓  
見壁上和予丁亥寒食詩，凄然有感，再成

四首

閒凭雉堞意交縈，夜雨猶聞戰伐聲。  
念昔空憐如日暮，登樓恰又值清明。  
瓣香冷續將殘話，一劍孤懸未下城。  
莫使深卮催遠棹，十年夢寐愧餘生。  
瞑立遙看竹木森，微雲帶雨浥樓林。  
重來故老千

行淚萬死孤臣八月心莫向層城聽劍戟空從楯  
墨感人琴棠花落盡溪流淺不奈春風處處侵

子困

守樵川八關月同時諸  
君皆以英年并作古人

又見桐華滿郡妍當年濁酒足留連私慙顧曲殊  
多誤獨幸鈔書不是愆耆舊紛紜迎倦客詞人珍  
重拜先賢淒風苦雨尋常事歲歲高樓聽杜鵑  
峒邊舴艋去來煩每上高樓憶故園嶺外哀猿依  
樹密欄前冷淚濺花翻頻遊尚爾關親慮多難誰  
能向客言歎息天涯書盡絕空餘明月照煩冤

拿口父老衰米見貽感其意賦此

催租吏不使民流磧裏田荒晚更糴卻曲難通前

日儘雕蓬肯爲左官謀當饑身欲依仁祖入市名  
猶訝伯休共奠弓刀齊化犢長犁短銚滿西疇

上洋口津吏餉新茗

自矜漸不爲人識苦味猶存舊使君小摘平爭昨  
夜雨旋烹澹映隔溪雲因悲宿昔桑麻好默感遙  
途節序分聞道誤連司并馬素磁相對莫殷殷

竹崎先寄林孔碩

八年更理榕城棹每望并州輒憶君此地新傳三  
尺雪伊人尚隔一溪雲斷蓬夜掩江干淚急雨宵  
馳海上氛亂裏孤臣容易老誰從幽谷起朝昕

荅榕城士民兼寄靖公弟

洪塘兩岸立多時此會當年未有期  
巷語難回白士怒街彈敢爲逐  
臣悲來頻盡訝須糜老久住私  
憐土俗空慙愧故人容我厚好持此意慰親思

林銖崖從瓊海惠書見慰感賦

卽望寒暄無半字情多海岸尚殷殷  
種棠未必懼能合灼艾惟期痛可分  
念室良書難自展田臺瘁况不堪  
聞百年肯下尋常淚拭血頻看意轉欣

王子羲移家

亂帙平堆上屋梁葛洪驢背晚風涼  
一愚苦爲移山計竟歲難求辟穀方  
物外偶然傳客傲此中誰復得臣狂  
硬黃響榻茶聲老笛裏孤亭字夕陽

儀封曹白公進士冠日夢予過訪自稱今名  
時白公實不知大梁有予予時亦非二字  
名越五年始從鄉牘中得予姓字又二十  
年始過白門以詩述其事命舍弟相寄賤  
子易名鬼神乃逆知於數載之前誠異事  
也賦此以荅白公

不聞鼠穴可乘車遂有形神足接予六候空占一  
夜話五旬實際數行書殊慙急遽求吾友近喜紆  
回過敝廬瘴海新來消息斷誰當請室定交初

大興和尚俗臘時在烏石山

烏石何緣得再登多公爲客皺眉稜萬山秋響松

翻月半世人憐佛命僧密地施鍼新痛癢瞞天下  
棒舊峻嶒迷途未度應難老尊重頻添不盡燈

射烏樓紀事

紅雲滿眼萬家洞广石舟翻車樣翹畏使漁磯鳴  
羽鏃愁聞雁渚擊金鏃鯨聲漸息兵堪洗鷹眼猶  
存釁未銷慚愧十年父老淚重來不敢怨狂飈

城南城北鼓聲寒城上烏啼夜入闌雁外天高烽  
燧闌弓前月冷陣雲殘桑麻忍下窮簷淚刀箭徒  
餘譴吏瘕亦有空言羞曲突 王師無日解征鞍  
秋風盡夜響弓鞘候水爭看亂舞蛟大將自能光  
壁壘羈臣但學謹芻茭十年舍築書空上一夕潮



乘事盡滄誰使登陴徒應卒創餘惟願聽金鏡  
巖城逐吏學趨踰烏石樓前萬弩張三帟幾如華  
不注獨存私幸魯靈光陰森夏木號山鬼勿渺青  
燐照野俚聞道捷書朝夕達寶刀鏽盡未堪藏

圍暫解送陳立三返里

江干舊雨淚縱橫親串甘從枳棘行老友半生空  
作客孤臣末路又圍城岐邊意密真難別閩外心  
煩遠自驚莫向殘疆頻悵望飲章羽檄苦交縈

解嚴後病臥敢園

繩床藥裹澹爲隣伏枕蕭然又一辰灰木心亡如  
喪我膏盲疾在未知人閒搜服食窮方士強寫平

安慰老親楯上休矜曾草檄羈臣但合老松筠

延醫不得寄舍弟靖公

戈鋌滿目慘餘身風雨愁看四野燐亂裏弓衣憐  
幼弟危途彩服媿雙親醫延海岸雲中馭藥覓荒  
城席上珍夢裏江南春事好不知相隔幾由旬

呻吟牀第聞家慈病

襖被誰教又海濱半生踪跡十年閩空啼譴吏城  
頭血莫慰衰慈夢裏身願始自慙茅屋穩顏承纔  
覺布衣真藁間未必生還客枕上嗚嗚淚滿巾

同門吳曰庸先生徒步自泉州過慰

曰庸吳先生諱第予同門友溫陵人曾爲  
竟陵令不五月拂衣歸數年不一入城市

予宦閩人載先生未嘗以一事相干丙申  
春予被讒入閩雖寇氛阻絕先生時惠良  
書相念之意溢于筆墨外秋冬之際海水  
羣飛驛路阻塞溫陵去省會五百里紆回  
德化山中倍常道者又五百里始得達先  
生今年六十又六貧不能謀輿騎僅扶一  
稚僕徒步旬有五日始得晤予握手涕泣  
慰勉交至出數金貽予曰子貧予復貧無  
以佐子緩急此蓋自客歲聞子被讒之日  
節縮衣食得之者鳴意耳子必無辭予拜  
而受之歲行盡矣先生即又徒步別予去  
予感先生諒甚高纍臣知將來無以報先  
生敬賦此詩以示予之子若孫使知予居  
此等時尚有吳先生從弓刀鱗集中徒步  
往返二千餘里遠相過存節縮衣食濟人  
患難予即死于護人手予之子若孫當世  
世銘先生之高  
諒于無盡也

意內亦知君必至凝眸實畏道途難能來果使心  
同慰握手空教意盡酸千里紆網烽燧闊廿年出

處夕陽殘可憐患難尋常事獨見良朋不及餐  
南望溫陵五百里歲行盡矣遠相求變形欲共逃  
林慮放足應須到惠州見後反驚難去住感深不  
覺觸恩讎憐君海岸身無定莫更臨期爲我憂

王美厥自清漳過慰漳城前歲陷賊美厥僅  
以身免

亦欲知交遠自諱經年消息斷鴻溝空從海外悲  
巢谷不爲西行重賈彪客尚幽裝因曲赦垣多聽  
子慮崇讎孤城墮後身能在何事江干燕語啾

送季介菴呂素巖北還

百里迷陽萬棘叢前時望豈與君同準當北面圍

全解客歲寇變兩君鎖鑰北門城賴以全彪不西行禍未終雪裏難  
尋鴻鴈跡塵中誰辨馬牛風共慙底事閒來去笑  
指江干荔又紅

王逸菴大行此君堂看菊時陳孝廉將北上  
大行冊封流求以海波未靖暫阻榕城

北客不歸南客去相從無計暫相親疎燈靜炤懷  
霜菊冷署閒畱失意人貫月槎迷滄海關臨風酒  
遠故鄉真甘蕉莫學前宵雨獨使羈臣淚滿巾

賴古堂集卷之九

灤水周亮工櫟園著

七言律

亘信和尚俗臘予別和尚于清漳漳城陷和  
尚移鉢雪峰頃復辟兵來省今日語予曰  
入秋太平見矣

共在丹霞道上行應知世外亦關情當時只歎山  
難住別後驚聞寇覆城象骨峰高全帶雪烏頭嶺  
關半屯兵如公豈作來朝計喜說秋深自太平  
郭去問還家未半載復作章貢之行送之

亂後還家慶更生無多日月復成行危時莫定東

西轍安土難爲去住情幾送貧交別故里空餘譴  
客隸殘城孤舟掩淚看桑柘府帖來朝又點兵

鄭圭甫昔上公車因子與郎山呂西屏使君  
交交莫逆也圭甫方期再過西屏而西屏  
久以憂憤作于虎林矣于圭甫之行凄然  
有感賦此送之

西屏呂子爲君友記在壬辰夏末間但羨情多期  
再過寧知宦拙不生還良書整遠心終在堊室舍  
婁髻已斑馬上看花薄醉後可能絮酒滴郎山

漳城陷後郡司馬周披雲僅以身免棲遲會  
城遂踰三載枕上念之不覺泣下爲賦一

詩將以貽同人爲披雲作歸計

十雙田在峩眉下

君峽陽人蘇長公墜其地山亦以峩眉名

餓死江干

亦自憎敝履循牆前郡副空瓢挂壁老山僧得全性命寧云苟卽拙言詞亦未能夢裏雒陽千萬里一錢誰向故人增

有介漫遊遂至江南今日忽返得家書感賦  
偶然欲去原無定別後行踪逐處揆歸夢再溫猶  
嶺外好山相引已江南傳來嘉話眉堪舞說到吾  
家淚已含頓首故人高義絕平安爲寄兩三函

芝麓自粵返白門送有介詩有加餐爲報周  
公瑾老眼秋隨鴈一行之句依原韻奉寄



梅花但夢嶺頭香。問比閩南道。孰長烽燧三年悲。  
舊雨蒹葭一水認。新霜羈臣淚。自江干盡遷客詩。  
過海外蒼。此地猿聲難更聽。可憐鴻鴈不成行。

安國寺訪心持上人寺前三石甚奇石上獨  
茂一松

此中瓢笠真蕭寂。對爾私慙意尚憧。寺敗閒留三  
片石。風清當有一株松。蒿牀過雨單痕濕。藥徑開  
雲屐齒鬆。四十棒敲春夢破。焚香掃地肯相容。

除夕前一日高雲客始過我減齋時有介初  
自秣陵返

梅花欲落不盡落。清酒濁酒且共延。殘歲只餘此

一夕羈臣求比已三年好友如君晚乃得新詩脫  
手互相傳喃喃莫話長干舊客子移家去復還

雨中聞有介攜具過彥遠道山亭子彥遠初  
至有介亦甫自秣陵返

道山亭子烏石側門對荒城晚倍寒春事三日五  
日雨梅花一枝兩枝殘載酒能添逆旅色乍歸頗  
憐作客難老夫銜哀不敢出畏來勝地敗人歡

偶過陶瓶值胡彥遠小飲得酸字

欲坐欲臥聊出戶失意過人良亦難叩門有客成  
小飲相見何期得大歡明燈花外搖暮色園蔬雨  
後薦春盤強爲羈臣解免切偶然默覺使心酸

與有介

戊子之夏相與友至今鬱鬱未成還亂裏真難此  
一日人生能得幾十年江南移家欲更去茅屋分  
人懶自全老夫終亦欲歸爾戀君酒美不須錢

寄題南郭草堂

傳聞大隱先生意常在黎陽舊草亭飲地遙商新  
酒伴樹書時寄老園丁偶然瓢笠予應到料有煙  
霞語未形看盡江南山色好夢中但覺五龍青

花朝登燠雲過眼樓簡彥遠初荔

泥途亦復惜佳辰百念甘同草木漣望遠不中花  
在眼登樓無故淚沾巾乍晴水面全畱毅卓午山

容半飲醇北鴈南魚空有約柴門寂寂可憐春

華林寺

越王臺榭有無間帶阜纓巒任客攀欲建小亭延  
素月頻移曲几就青山來同僧坐心猶競看到雲  
歸態頗閒忽憶家園花事好春風背吹旅人還

寒食鄭宜兮崔五竺高雲客謝爾將過敢園  
牆東春色看空晚舍北花開感倍生細雨閒扶蕉  
葉轉好風圓吹鳥聲輕燈前家遠卮頻落難裏人  
來意易傾折盡後園無數柳可憐明日又清明

清明聞同人各有飲所風雨荒園悽然有感  
前年曾買樵川棹詩話樓頭思不禁燧火偏迷羈

旅路清明獨上棘人心客中土銜寒無食亂裏鄉  
書貴到金風雨閒園餘我在淡卮欲滿定沉吟

上巳集絳月蘭若

高臺人望山能好約客閒看雨後新上巳空傳修  
禊事百年誰被不祥人虛燴曖曖家園夢磧柳垂  
垂海岸春接嶺連灘何計去如今曾媿荔枝民

昨夢簡彥遠初荔

大竿嶺外須江路歸夢無如昨夕真病裏燴雲空  
過眼客中顏色苦看人感多殊愧情難副誤盡空  
思老更新今日便教羈客去吳山越嶠不逡巡

有感做古意新聲

楊白花飛滿四隣誰將進酒不傷神  
街碑有石空當口搗臼無螿自受辛  
京雒煌煌垂手客江臯昔昔緩聲人  
誰拘莫使歡聞變明月高樓子夜春

與王啓伯總戎

樵川昔入榕城路親見將軍靖海瀾  
眼底百年誰與匹關中十八已登壇  
小山有賦人招隱大樹無心世任看  
焚硯橐弓亦自好多公節食勸加餐

南浦橋亭望夢筆山

孤舟更泊前來岸明發應從嶺上行  
偶過長橋增別思且畱半日聽泉聲  
西山夢冷花藏寺南浦人來雨壓城  
望裏勞勞十載路不知芳草爲誰生

王弗瑑楊商賢追送予至邗江畱別

遙尋逐吏渡河梁，載酒無言意自傷。  
地下遊應從李杜，世間名合讓王楊。  
寒江夢冷家千里，故國人來水一方。  
猶是昔年歌嘯地，鴈聲纔過夜偏長。

朱思遠羅星子高康生王古直暨子倩王隆  
吉遲予于虎林程穆倩宗定九遲予於邗  
上舟中賦此志感

直北音傳重客哀，幾旬江上待予來。  
萸灣月冷人初渡，瓜步風高鴈欲迴。  
萬里倉皇霜後葉，百年寂寞掌中杯。  
心憐再見渾無地，撾鼓猶煩衛士催。  
舟中與胡元潤談秦淮盛時事次韻四首

紅兒家近古青溪作意相尋路已迷渡口桃花新  
燕語門前楊柳舊烏啼畫船人過湘簾緩翠慢歌  
輕紈扇低明月欲隨流水去簫聲只在板橋西  
曲曲銀河蕩晚霞蘭叢玉瑟間琵琶暗潮夜濕依  
欄石細雨朝開隔岸花茵茵無心臨翠蓋芙蓉有  
意映窗紗雲鬢月底分明盡如殺垂楊一半遮  
不分合歡夜不開吹笙無力自徘徊鐘聲漸遠隨  
波去花氣將眠過渡來曲曲鴛鴦流艷夢垂垂楊  
柳綵淡杯一生明月秦淮好到眼煌雲第幾回  
拂水藏鴉弱自持輕寒簾外影離離風吹香動花  
無骨露逼歌清月有絲漁笛暗隨紅雨落酒罇閒



東坡全集卷九  
受綠陰支鍾山松老雲霞漫近日金陵客不空

過淮南湖心寺弔隱知和尚示首座本融

鷓尾風俱意莫憑湖邊寺近觸愁仍連天空碧人  
浮玉滿地寒光月漾水未信重來反有淚便容住  
此亦何能多時黃蘗林中客不記淮南第幾燈

閩人翁陵移家公路浦過予舟與其同里徐

延壽醉

家移不記是何辰鳩杖扶舟淚滴巾問友都隨遷  
客到因予又見故鄉人耕田得秫聊謀醉賣字營  
錢亦不貧忽去自言無異望惟求老作建安民

板閘與林戒菴

山陽北面清江口大海東頭漾濁波霜逼鴈聲迷  
近遠月扶蟲語盡蹉跎名虫魚龍鬪冷舟來少蒲葦  
村荒戶閉多嶺外羈人齊下淚一時點首認黃河

渡口荅有介卽用原韻

曾同海岸說黃河不信真從八閘過食較貴鄉魚  
米賤衣愁前路雪霜多過時方悟悲良友垂首尋  
常看逝波爲語隣船文酒客可能將壽補蹉跎玉仲

先生開仲同社皆卒于道  
將壽補蹉跎劉夢得詩

再次前韻

塵沙漠漠古黃河風雨人催半夜過誰案羈臣三  
載外可憐逮者百船多高帆靜吹全無恙秋水平

東正宮身卷九  
涵自不波却喜舟灣成聚落  
趁虛得酒未蹉跎

桃源縣答宋去損卓初荔

舊聞淮水來桐栢清濁平  
看盡夜流斷岸數家孤  
似鳥長河一縣冷於秋  
淡燈苦照初爲客襍被難  
安不定舟莫使風霜增旅病  
狂瀾靜處有輕鷗

宿遷菊花同胡元潤卓初荔作

奔渾古道老波瀾  
晚渡心驚逆水難  
細雨偏催孤棹去  
黃花不耐旅人看  
一時過鴈舟痕冷  
半夜啼螿客意闌  
共憶家園田菊好  
疎枝短樹滿長干

重九寄鄭空今蔣用敬謝爾將高雲客

兩浙三吳淮北路  
青齊道上越人心  
荒城酒濁難

爲客落日河黃易作陰風過草麻全覆地雨垂酸  
棗獨成林疎卮欲就籬前菊憶我情知一往溪  
沛河九日次吳冠五示王壽格若士

渡盡黃河客思涼茱萸山徑未全荒一泓秋水鷗  
如鶴數版黃泥棗代桑退約家園編葦屋愁偏雨  
夜夢蕉堂高堤且醉蘭陵酒不識誰能忘故鄉

山在沛西蘭陵沛東  
淮南北多以葦爲屋

珠梅閨夜雨與鄭羽人陳伯宗

誰教百慮苦相侵鴈滴聲寒淚滿襟緩急恐傷僮  
僕意陰晴獨到友朋心敝裘不壓三更清野水平  
添一捺溪明發不知何處泊危檣獨聽雨淋淋

淡夜過滄州聞岸上傳呼聲

孤帆入夜不教休岸上傳呼雙淚流風急夢猶迷  
瀚海月明人正過滄洲蒹葭有意爲霜白鴻鴈無  
聲共客愁漁火閒從沙際望蕭蕭一葉脫深秋

張秋與客

隣舟望見好顏色遠道難爲性命存挂帆又落風  
曲折暫泊還移月黃昏越船吳船幾千里江干河  
干自一村榜人畏凍連擊鼓夜夜聞前驗水痕

和林戒菴守歲

黃河南面夢猶華

子鄉水陷後子復刻  
東京夢華錄于秣陵霜後何堪

雪復加午夜衾孤生作鐵丁年劍老綉成花關心

鴈外同爲客垂首燈前各有家一歲誰教此地盡  
隔牆歸思亂如麻

駝頭鷓尾路頻移賣餅車前累所知故里空傳橘  
柚頌長安誰愛雪霜詩嶺梅但覺香仍在北酒生  
憎旨不宐好句日傳三數弓黃茅屋底舞雙眉

己亥元旦試筆和林戒菴

百好無如歸去身雪鴻踪跡已成陳家依海岸難  
爲客天到長安易作春河上空傳三豕渡殿中誰  
許一夔隣羣公競試和平字西務遙看柳色新  
衆裏嫌持最後杯維何吉夢故園回多時柏葉寒  
相逼一棹梅花煖自催塵土偏侵羈客面熱官不

如冷人才荆高去後黃金貴獨爲西山看雪來

再與鍊崖

瓊山使者苦論兵老智專持戰後耕自撫竹竿猶  
嫋嫋誰憐鐵意向錚錚繁霜鴈急聲全咽大水魚  
勞尾盡頰磨楯書生匡濟好征車會使鷓鴣行

公粵

東公續以鷓鴣車  
名憾無人肯行也

念室傳聞意盡衰  
淡燈對字足人悲  
榕門閤闔身  
雙綫藕孔修羅命  
半絲謀面誰留車  
下客回心肯  
啓篋中詩寒灰  
畫盡曾無夢的  
的生還爾我私

蘭陽王王屋大令斤負高才佯狂自恣不永  
于年自誌其墓以坡公誌人之銘有合于

已卽以銘已子欽其達復哀其志曾鐫其  
遺集茲系以詩

故鄉人愛王王屋蓋代才如柳柳州共艷陳思曾  
傅粉驚傳李固亦搔頭達生墓不煩人誌歡古銘  
如爲已留慧命徒存書數卷茂陵無客肯相求

麗人行水上同茵次賦

桃根桃葉莫相催艷極輕波不敢洄含露花從霜  
裏綻乘風人自月中來私心常願銀河結小膽全  
疑玉鏡開日暮翠翺無處望珮環聲在白雲隈

寄濰縣楊再遠蔡漫夫于鳴岐

流飯橋頭月滿林囊沙河上樹蕭森長風白浪魚



書遠細雨孤山客夢淡賣餅誰留車下士解驂獨  
感座中心自憐華髮垂垂老更對斜陽撫劒鐔  
居室蕭然萬慮空羈人自合避牆東箕山高節推  
徐幹北海雄姿重孔融千里音書鴻鴈外百年身  
事荻蘆中青陽樓上臃臃月肯向天涯照斷蓬  
蓬萊閣和吳冠五韻海上春夏之交東南風

緩則海市見

蓬萊高閣俯神州閣外平看大海流望裏仙門真  
可接空中龍勢未全收東南風緩樓臺幻日月光  
懸島嶼浮莫話桑田深淺事波濤鏗鞳足人愁

羈中寄東萊太守鄧偶樵鄧家白門前作郡

清漳與予同守會城

秣陵詞賦舊嶙峋五馬曾開古七閩親見南天傳  
露布難從北海奉車塵孔融便去無男子楊震初  
來識故人十度閒過萊子國多君鈴閣有陽春

二月十四夜月下望見林起八禁不得一面  
黯然成詩

十年想見林起八栢下微窺躑躅行此地誰令君  
亦至意內似謂爾猶生銀鑰滿身故崛強咳唾頗  
喜尚錚錚舉頭連望互掩面欲泣不能月大明  
得兒書淡憫其意作此寄之

覆巢完卵真難計但道相依僮僕賢委曲安親書

盡好支離慰祖語能圓蒙頭債子羞無路洒血冤  
兒憾戴天善惡不知何所教他生與爾再爲緣

送卓初荔返閩

玉貌先生爲客哀經年燕市自徘徊變形魏邵誰  
爭識冒難王修獨肯來狹巷疲驢衝雨雪敝裘土  
炕擁爐煤壺中舊有芳蘭約底事依人不肯回  
酌酒驚看色累移于君不信有歸期上書無路空  
心惻得伴能還亦我私瓊玉滿懷過嶺雪芙蓉一  
掬涉江詩孤舟莫泊前來岸雨後垂楊易作絲

送胡元潤返白門

與君同住古清溪五度燕山並馬蹄垂老措身知

坎宮生還藉爾作端倪清尊覈隼春雲亂碧樹參  
差夕炤低回首廿年霜雪路全交只剩數行啼  
茱萸彎上遠追隨抗手臨岐別有悲一雨愁看燕  
市柳十年空檢嶺南詩前期卽密踪難定後夢能  
尋客尚羈幾度偕行曾共返心憐獨去欲依誰

少保商丘宋公錫謚文康紀一詩與令嗣牧

仲

一言鄭重紀恩光舊澤新垂白玉堂在岳誰能方

岱華于人曾幸識歐陽已卯過雪苑  
卽從公遊千秋義讓枌

榆重商丘父老  
爲公請一字聲流琬琰香聞說龍池親染

墨如天 聖德未能量

送徐存永遊大梁

七千里路苦相依三月長安雪更飛共歎偕行人  
又去心憐卽別未成歸塵沙北寺羈臣夢風雨黃  
河客子衣莫向梁園詢古事鄒枚詞賦近全非  
徐孺將行不自知遙憐別路雨絲絲河干作客看  
楊柳馬首逢人問荔枝濁酒但澆朱亥墓荒城莫  
拜信陵祠寒家親串能相問爲誦羈臣北雪詩

甌香買得芍藥數枝葦屋中苦無花具強予  
爲詩

醉裏迴綃雨後逢南人珍重北花濃歛來只合朱  
欄窄擎出閒思玉手鬆但結雲旗誰並駕豈無膏

冰若爲容阿嬌羞住黃金屋立盡春風致未慵

永夜不寐垂淚與小僕蘭水絮絮口占示之  
三冬羸馬寒山路六月艤篷上水船寧意小奚扶  
貫索誰容苦語當金錢天邊子淚無從滴病榻親  
書動隔年枉說老夫猶崛強可憐最易受人憐

危墻細雨冷相親累爾挑燈賺苦吟譴吏殘詩羞

白雪

子閩詩北詩  
皆顏以雪

故人溫語重黃金酒痕易散難

爲寐淚漬無多不濕襟枯葉寒花曾未改乾坤納  
納看童心

午睡與冠五

恍惚不知此何地胡然夢裏與鬼爭姓名遂爲知

交諱童僕轉輸他人情理生如此亦早富久譴於  
世負大聲醒來瞪目自失笑前歲隨客上圍城

白櫻桃

崖蜜勻圓訝未同寫來只覺艷思融蛾眉澹老繁  
花外檀口輕宐素月中空憶雪畱千顆玉誰憐雨  
洗一春紅明珠弄罷渾無奈撒向晶盤影盡空  
嶺外麥英雪是膚送春新脫紫霞襦花間婉轉風  
團玉月底依微露漾珠自浣絳唇歌白苧任他紅  
淚滴水壺艷粧同伴皆先嫁亦有殘脂不肯塗

橄欖

高雲客寄

海天親見碧琅玕致此同悲驛路難不爲倒餐知

有蔗應從逆口識如蘭紅顏獨愛南威密白蠟遙  
封北地寒自是 聖朝容諍士爭馳諫果入長安

文官果

異種含苞出上方升沉肯使世頻嘗螭盤無意爭  
高樹蠖曲棲身就密房待伴同爲湖目冷層綃剝  
出蕙心香莫言文露尋嘗滴姑射仙人結夏糧

六安梅花片

何匡山寄

眞茶遠寄自潛夫略示山中意味殊綠舌遙從雲  
際剪白毛疑是雨前敷分來雪色心同寂落盡梅  
花影在無慙愧十年招隱意素磁深夜獨踟躕

蒟藍

傳公寄藍產孝陵衛瀆高座池中始成



北地金芽得未曾南來蒟菜比湖菱栢池泉淨尋  
高座松磴雲開拾孝陵蒲笋同分三月雨壟鹽閒  
對六朝僧虛慙賦餅梁園客嚼盡寒山綠玉藤

墨菊

永壽里在漢時產墨菊時人多取其汁  
爲書今人但求之楮穎間少所見矣

寂影模糊陶令門玄霜冉冉借秋痕雨中送酒衣  
偏白霧裏看花眼倍昏永壽寒尋蒼玉亂南陽晚  
映碧潭渾就荒三徑歸來後只覺長松獨自存  
把得寒英色未倫夕餐只認鞠通身籬前月落情  
無奈霜裏燈搖影倍新不識黃金真燦艷獨憐青  
女自橫陳瀟瀟一夜重陽雨玄對羲皇以上人

佛手柑

飛穰小亞碧痕鮮烽燧猶從嶺外傳微顯同標明  
月影合開空認寶光懸一心吐掌難爲密數指撩  
人不厭駢遙識五輪宣示意雲中金色軟如綿

旅中遙酌冠五

孔北海曰冒難能來者其王修乎已而修  
果至予與壽格被難北行抵吳越間于語  
壽格曰此際能來者獨吳冠五耳已而冠  
五至蓋已遲予輩於京口數旬矣踴踴同  
來無難色相依居室且周屋無倦容冠五  
非有求於平原者何自苦爾爾今日冠五  
誕日壽格與予欲以一卮相慰爲雨阻不  
果應壽格命爲二律以鳴歎誠冠五方壯  
未敢云

祝也

晴時盡日尋常過接雨逢君初度辰欲倩疲驢邀  
劄客慙從念室欵嘉賓百年身肯風塵老萬里人

依骨肉親借得殘卮須自把相憐只隔此城闔  
延陵君子爲人出家在屯溪第一灣採藥忙猶尋  
白醪誅茅閒卽說黃山書焚自愜行藏易劍在終  
慚髣髮斑耳熱鳴鳴瓦缶狂歌一路不曾刪

介壽以胡彥遠見慰札子相示却寄

一畝田中盡草萊旅堂經歲不曾開只憐風雨催  
人別亦有音書到北來塵土那堪歎暑逼湖山空  
約莫春回懷君永夜神光寺自摘餘甘薦酒杯

旅堂在虎林

一畝田中

意外漁梁消息真懷人掩涕過江濱  
荏蘭引緋悲  
亾友罷露樞衣送逐臣夢裏灘聲猶七里書來鴈

影已三春相期絮酒黎陽郭宿草青青動客輪

觀察

公沒於漁梁相期生還後同往哭公

虎林門外獨相尋十日倉皇淚滿襟在難世應無  
契闊多情君自感人琴殘燈襍被雲霄夢密繳孤  
鴻雨雪心貨殖未能游俠老生還敢不重黃金

午夜傳聞事盡更當時爾不吝西行傷心嶺外人  
難別幾日湖干草又生危路附書能宛轉遙途問  
信苦分明畢羅寧爲飛條密慰我秋溪到石城

王勝時至勝時數過長干向兒輩詢南北信  
五載懷人淚未乾去來消息太無端洪波迥識南  
天闊朔雪驚看白日寒夢逐孤鴻過易水時同稚

東下集卷九  
子泣長干心知北闕書難上獨爲羈臣不及餐

與劉竣度

八月廣陵濤似雷河干送客獨徘徊只驚罟畢催  
人急敢謂風波到爾來分樹同聽連夜雨隣牆共  
舉隔年杯莫愁短後塵沙滿正值翺材館再開

五月廿九日烈風雷雨聞鐵崖明朝行黯然

賦此送之

怒雨號風半夜驚遙傳我友詰朝行如天 聖主  
能求舊丞死孤臣得夏生事隔十年方見面人將  
萬里但聞聲孤舟欲泊頻回首直北星占貫索明  
送客南還祝親

去到河西夏返輪，憐子肯厭往來頻。  
素餽衛友三千里，滌灑娛親八十春。  
倦羽飛殘猶是客，浮雲閱盡敢依人。  
稽山縱極東南秀，鄭重慈幃夢裏身。

送客遊會稽

渡盡西陵麗，矚迷越王臺。  
畔草萋萋舟前月，小干崖競郡裏樓。  
高萬樹低餘韻，尚傳修禊帖。  
新詩只在浣紗谿，羈人曾作山陰客。  
道上憑君覓舊題。

潘君重九前四日載酒同冠五過我，適隣客遣童子送菊。

童子送花寒意滿，故人載酒旅情深。  
連牆白露無端色，客歲黃河望見心。  
病榻一枝真得伴，膽瓶幾

葉亦爲林蕭條自愛秋風好可奈重陽易作陰

宋去損以予累客死都門重九前二日素旄

南返哭送四詩兼貽令嗣峩長

嶺外天書一夜頒河干令子泣潛潛只憐荒憬人

難別敢謂烽燧樞獨還廣柳風高吹骨冷白楊路

遠到鄉艱傷心苦憶臨岐語獻歲相迎入大關

客歲

見峩長送尊公悲楚過甚予亦爲泣下已而好語

慰尊公曰明歲相迎入大關豈知事變至此爾時

送爲長 別耶 生死誰教此地分素衣相共泣斜曛慈幃夢老南

悲月弱子書遲北望雲不識千人皆黨士可憐一

代絕鴻文知君鬼路蕭條甚願我生還意尚慙

射堂文酒悔相過白日心驚大海波  
鴈引羈人衝越嶺霜扶旅櫬渡黃河  
五侯尚索寒鴉賦一僕空餘薤露歌  
半面亦爲張儉死生存不識意如何

在都門爲寒鴉賦一時鈔傳

引紉無能淚暗揮

予時須繫

桐棺獨去雨霏霏繁冤未

必邀神聽枉直誰能畏鬼誹  
一行人添高士傳殘

書夢斷老親機泉臺路值陳家仲

開仲沒於虎林

莫報羈

臣尚未歸

### 送程伯建赴滇

大江詞賦傳程伯難裏交情重  
死生獨測天心安  
譴吏敢持公論問廷平  
西山爽氣空留客  
南國樓



船未罷兵遙憶妻孥無定在憑君一望石頭城  
蕭條請室無人過新雨多君獨往來只訝鬚眉都  
白盡不知雲霧幾時開枯槐北寺蟬聲咽古渡西  
風鴈影回滿眼兵戈催客去爲誰岐路更徘徊

再賦靜一帳眉

靜公到處好胸襟不看床頭有盡金高枕平流蒼  
岳夢淡帷澹暉野雲心倦游人老依繩榻薄醉詩  
成擁布衾知爾月明圖畫裏撫絃欲響衆山琴

除夕向芝麓借書守歲知芝麓念予甚爲予  
止酒罷歡坐客聞此感而代泣予則自慶  
且用自怨喜賦二詩用七十老人朱靜一

韻

老友定山殘衲子嘉節念客不爲歡一歲只覺今  
宵永到處却憐此地寒何常飛條到我密更持具  
獄望天看借書相勸莫還讀夕除人羈且加餐  
三十二芙蓉齋裏罷酒作念起長歎緩急何因關  
僮僕眠食竟損問平安肝臂嗟余真小命頭目看  
人護熱官何時不死真成過悲喜應知太無端

賴古堂集卷之九終